



Broj: 05-04-20-405-5/23  
Maglaj, 24.03.2023. godine

Na osnovu člana 70. Zakona o javnim nabavkama („Službeni glasnik BiH“, br. 39/14 i 59/22), člana 25. Pravilnika o javnim nabavkama u Općini Maglaj („Službene novine Općine Maglaj“, broj 13/22) i člana 42. Statuta Općine Maglaj („Službene novine općine Maglaj“, br. 8/07, 3/08 i 6/08), a u vezi sa Zapisnikom o pregledu i ocjeni ponuda, broj 05-04-20-363-3/23 od 23.03.2023. godine, u postupku javne nabavke „Sanacija domova mjesnih zajednica na području općine Maglaj“, Općinski načelnik donosi

**O D L U K U**  
o izboru najpovoljnijeg ponuđača  
(LOT 3)

**I**

Prihvata se preporuka Komisije za javne nabavke i ugovor o nabavci radova na sanaciji Doma MZ Jablanica dodjeljuje se ponuđaču „**Arcon-in**“ d.o.o. Zenica, u skladu sa ponudom broj 132/23 od 21.03.2023. godine, po ukupnoj konačnoj cijeni od **28.956,33 KM bez PDV-a, odnosno 33.878,91 KM sa PDV-om.**

**II**

Izabrani ponuđač iz tačke I obavezan je dostaviti dokumentaciju koja je tenderskom dokumentacijom utvrđena kao dokumentacija koju dostavlja izabrani ponuđač, u roku od pet dana od dana zaprimanja ove odluke.

**III**

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

**IV**

Ova odluka dostavlja se svim ponuđačima koji su učestvovali u postupku javne nabavke i ima se objaviti na web stranici Općine Maglaj.

**O b r a z l o ž e n j e**

Odlukom o pokretanju postupka, broj 05-04-20-405/23 od 28.02.2023. godine, pokrenut je postupak javne nabavke „Sanacija domova mjesnih zajednica na području općine Maglaj“, otvoreni postupak, podijeljen na tri lota:

- LOT 1: Sanacija Doma MZ Misurići
- LOT 2: Sanacija Doma MZ Liješnica
- LOT 3: Sanacija Doma MZ Jablanica

Predmetna javna nabavka objavljena je na portalu javnih nabavki, obavještenje o nabavci broj 1140-1-3-29-3-9/23 od 28.02.2023. godine. Sažetak obavještenja o nabavci objavljen je u „Službenom glasniku BiH“, broj 14/23.

Kriterij za dodjelu ugovora u predmetnom postupku je najniža cijena.

Predmetni postupak je, u skladu sa svojim nadležnostima, provela Komisija za javne nabavke imenovana Odlukom broj 05-45-1-1069/22 od 19.05.2022. godine (u daljem tekstu: Komisija). U toku postupka, Komisija je zaprimila pristigle ponude, izvršila njihovo otvaranje, pregled i ocjenu, prema zahtjevima i kriterijima iz tenderske dokumentacije, o čemu je sačinila odgovarajuće zapisnike, u skladu sa čl. 63. stav (5) i 65. stav (2) Zakona o javnim nabavkama.

U predmetnom postupku, Komisija je utvrdila da su za LOT 3 (Sanacija Doma MZ Jablanica) blagovremeno zaprimljene dvije ponude, prema redoslijedu zaprimanja kako slijedi:

r/ b	Naziv ponuđača	Sjedište ponuđača	Datum i vrijeme zaprimanja	Broj protokola
1.	“Arcon-in” d.o.o. Zenica	Ul. Zmaja od Bosne br. 27, Zenica	21.03.2023. 10,00h	2144
2.	Konzorcij “DKM gradnja” d.o.o. Maglaj i “Dževkomerc inženjering” d.o.o. Zavidovići	Viteška ulica bb, Maglaj Dubravački put bb, Zavidovići	21.03.2023. 10,45h	2145

Neblagovremenih ponuda nije bilo.

Zaprimljene ponude su prihvatljive prema formi, obliku i potpunosti, odnosno dostavljene su u zatvorenim kovertama, na kojima su bili navedeni svi podaci traženi tenderskom dokumentacijom.

Nakon otvaranja ponuda, Komisija je utvrdila da je ponuda grupe ponuđača–konzorcija „DKM gradnja“ d.o.o. Maglaj i „Dževkomerc inženjering“ d.o.o. Zavidovići neprihvatljiva, u smislu odredbe člana 2. stav (1) tačka l) Zakona o javnim nabavkama, jer ponudena cijena za LOT 3 (Sanacija Doma MZ Jablanica) prelazi planirana, odnosno osigurana novčana sredstva ugovornog organa. Tumačeći pomenutu odredbu, Agencija za javne nabavke je dana 23.10.2023. godine na portalu javnih nabavki i svojoj zvaničnoj stranici objavila Mišljenje u kojem navodi da se ponuda čija vrijednost prelazi procijenjenu vrijednost nabavke mora odbaciti. Nadalje, u Mišljenju, broj 04-02-1-2506-2/22 od 21.11.2022. godine (dostupno na zvaničnoj internetskoj stranici Agencije), Agencija za javne nabavke daje dodatno tumačenje, navodeći da se prihvatljivost ponude cijeni prije zakazivanja e-aukcije.

Rukovodeći se citiranom zakonskom odredbom, te tumačenjima Agencije za javne nabavke, Komisija je u ovom postupku izvršila ocjenu ponuda prije zakazivanja e-aukcije, te utvrdivši da je ponuda ponuđača–konzorcija „DKM gradnja“ d.o.o. Maglaj i „Dževkomerc inženjering“ d.o.o. Zavidovići neprihvatljiva zbog visine ponudene cijene, odbacila ponudu ovog ponuđača.

Posljedično, preostala je samo jedna ponuda – ponuda ponuđača “Arcon-in” d.o.o. Zenica, koju je Komisija ocijenila prihvatljivom, budući da ispunjava zahtjeve u pogledu forme, ponudene cijene, predmeta nabavke, kvalifikovanosti ponuđača i ostalih uslova traženih tenderskom dokumentacijom.

S obzirom da je preostala samo jedna prihvatljiva ponuda za LOT 3 (Sanacija Doma MZ Jablanica), za predmetni lot nije održana e-aukcija.

Po završetku e-aukcija za za LOT 1 (Sanacija Doma MZ Misurići) i LOT 2 (Sanacija Doma MZ Liješnica), Komisija je sačinila zapisnik o pregledu i ocjeni ponuda, u kojem je detaljno navela sve informacije relevantne za predmetni postupak, kao i preporuke rukovodiocu ugovornog organa za dodjelu ugovora za svaki pojedinačni lot.

Kada je u pitanju LOT 3 (Sanacija Doma MZ Jablanica), Komisija je dala preporuku rukovodiocu ugovornog organa da ugovor za predmetni lot dodijeli ponuđaču "Arcon-in" d.o.o. Zenica. Preporuka je, zajedno sa izvještajem o radu Komisije, dostavljena rukovodiocu ugovornog organa 24.03.2023. godine.

U postupku donošenja ove odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke za izbor najpovoljnijeg ponuđača i dodjelu ugovora za LOT 3 (Sanacija Doma MZ Jablanica). Uvidom u priloženu dokumentaciju, utvrđeno je da je Komisija u svemu pravilno postupila, te da je izabrani ponuđač dostavio prihvatljivu ponudu, a imajući u vidu navedeno, kao i činjenicu da je kriterij za dodjelu ugovora u predmetnom postupku najniža cijena, ugovorni organ je utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

**POUKA O PRAVNOM LIJEKU:** Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od deset dana od dana prijema ove odluke.

DOSTAVLJENO:

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a



